

Zeitschrift: Igl Ischi : organ della Romania (Societat de Students Romontschs)
Herausgeber: Romania (Societat de Students Romontschs)
Band: 64 (1979)
Heft: 13

Artikel: Scola professiunala Surselva Glion : in element dall'economia en nossa regiun
Autor: Deplazes, Rest Luis
DOI: <https://doi.org/10.5169/seals-882380>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 05.05.2025

ETH-Bibliothek Zürich, E-Periodica, <https://www.e-periodica.ch>

Scola professiunala Surselva Glion

In element dall'economia en nossa regiun

da Rest Luis Deplazes

L'intenziun dalla scolaziun professiunala ei clara: Nus vulein emprendists e futurs mistergners cun buna scolaziun e quei ton ella clamada sco ella formaziun da character. Da treis fontaunas principalas retscheiva igl emprendist la materia ed igl impuls che meinan alla finamira giavischeivla. Geniturs (famiglia), firma e scolaziun professiunala formeschan la basa. La buna collaboraziun da quels 3 facturs ei savens decisiva. Buns e serius menaschis animeschan il giuven a buna lavur, la casa e la famiglia introduceschan il giuven ella veta sociala, la scola professiunala promova la savida generala e prepara igl emprendist teoreticamein sin problems che sepresentan ella clamada.

Suenter quellas reflexiuns empau generalas lessel jeu relatar quei e tschei da nossa scolaziun professiunala a Glion.

Origin e svilup dalla scolaziun el Grischun

Quels van parallel cun l'instrucziun professiunala svizra. Ils onns 1908 e 1930 han purtau leschas fetg impurtantas per la scolaziun da clamada sin intschess naziunal. Grischuns iniziativs han empruau da realisar quellas normas conform a nies patertgar grischun. Ei ha dau in sistem da scolaziun fetg federalistic. Quasi mintga circuit ni vallada pli gronda haveva ina atgna scola professiunala. Quei ei denton buca secumprovau. Damai ch'in scolast instrueva el medem temps scholars da differentas clamadas, saveva igl intent dalla scolaziun buca vegnir realisau. Beinspert ei la centralisaziun sefatga valer. Cuera sco centrum e capitala ha baghegiu novas localitads cugl intent d'insumma rimnar ils emprendists grischuns a Cuera. Quella centralisaziun totala ha mai giu liug, per cletg! Oz ha il Grischun las suandontas scolas professiunalas: Cuera, Glion, Müstair, Puschlav, Samedan, Tavau.

La structura dallas autoritads che survigileschan la scolaziun professiunala vesa ora dil palancau federal tochen communal sco suonda:

Autoritads federalas:

- Departement federal d'economia
Cusseglia federal Fritz Honegger
- BIGA, partiziun scolaziun professiunala
vicedirectur Dr. Rudolf Natsch

Autoritads cantunalas:

- Departement d'educaziun dil Cantun Grischun
Cusseglia guvernativ O. Largiadèr
- Uffeci per scolaziun professiunala
Dr. Georg Casal, superiur

Autoritads regiunalas:

- il Cussegl da scola dalla regiun
- il rector dalla scola che survegilescha la scolaziun e tgira
il contact culs emprendists, patruns e geniturs

Origin e svilup dalla scola professiunala Surselva

Cheu en Surselva havevan nus all'entschatta duas scolas professiunalas, ina a Glion, l'autra a Cumpadials. Ina surveva als emprendists dalla Foppa e contuorns, l'autra a quels dalla Cadi. La scola a Glion ha entschiet 1910 e serrau sias portas 1957. Ella veva suttetg en casa da scola veglia a Glion, oz Casa cumin. Siu menader ei stau Andreas Schmid, scolast a Glion.

In zun interessant svilup ha la scola professiunala dil circuit ni cumin dalla Cadi giu. Ses fundaturs ein stai: scolast Sep Modest Nay, emprem rector, inspectur Albert Spescha e fabricant Fidel Tuor. Igl emprem suttetg ha il Hotel Badus (1932–1942) dau, ussa Casa s. Giusep Cumpadials. Il vischinadi da Cumpadials ha lu baghegiu la casa da scola professiunala giu el vitg. Leu ei vegniu instruiu da 1942–1971.

Ils recturs ein stai:

Sep Modest Nay, Danis

Adalbert Wieland, Sumvitg

Giuli Maissen, Surrein

Valentin Vincenz, Trun



Hotel Badus, Cumpadials, scola professionala Cadi 1932–1942, ussa Casa s. Giusep Cumpadials

La casa da scola professionala a Cumpadials 1942–1971



Era la scola professiunala dalla Cadi ei daventada in'unfrenda dalla centralisa-ziun. 1971, da Pastgas, entscheiva ina nova scola professiunala a Glion cun il num «Scola professiunala Surselva». Il marcau da Glion, sin iniziativa dil president dil marcau da lu, Carli Sonder, e dil president dils scrinaris grischuns, Gabriel Lutz, Rabijs, ha mess a disposiziun stanzas dalla scola veglia a Glion. Ins ha vuliu mantener la scola en Surselva.



La casa da scola veglia a Glion, dimora dalla scola professiunala da 1910–1957 e lu puspei da 1971–1977


Era president Erwin Calonder, successur da C. Sonder ei s'engaschaus oreifer per mantener la scola a Glion. Sut sia regia ei vegnida construida la hodierna casa da scola. A Glion ha scolast Valentin Vincenz, Trun, tgamunau la scola tochen 1978.

Sut gl'antier president dil marcau da Glion, cusseglier guvernativ Dr. Donat Cadruvi ei la casa nova vegnida inaugurada la stad 1977 e lu surdada per la scolaziun. Il purtader da nossa casa da scola ei il marcau da Glion ch'ha dau il sulom per il baghetg gratuitamein ed investau ina summa daners che vegn tscheinsida dalla scola.

Gewerbeschule Surselva Als mistergners sursilvans

L'inscripziun bilinga alla entrada dil niev baghetg

La hodierna casa da scola professiunala Surselva a Glion



Purtader dalla scola professiunala Surselva

La regiun Surselva ei purtadra, quei vul dir d'ina vart las vischnauncas e da l'autra vart las uniuns da mistergners da construcziun. Aschia han vischnauncas e mistergners possibilitau la scolaziun da lur emprendists cheu en Surselva. La regiun Surselva vegn representada dil Cussegl da scola che vegn elegius dil Cussegl dil marcau da Glion. Quei tenor perscripziuns specialas.

Dil Cussegl da scola fan part oz:

representants dil marcau da Glion:

Erwin Calonder, sorprendider, pres. dil Cussegl da scola

Urban Battaglia, contabilist, cassier dil Cussegl da scola

Mario Schwarz, mecanist

representant dil cumin Cadi:

Werner Bearth, meister-pictur, Rabiis

representant dil cumin Rueun:

Michel Cavigelli, scol. sec., Rueun

representant dil cumin Lumnezia:

Fridolin Hubert, scolast, Val, actuar dil Cussegl da scola

representant dil cumin Glion:

Albert Klaiss, lennari, Ruschein

representant dall'uniun da sorprendiders da lenn:

Plazi Maissen, sorprendider da lenn, Glion

representant dall'uniun da sorprendiders da construcziun

Faustin Carigiet, sorprendider, Breil

Branschas che vegnan scoladas a Glion

Entas la specialisaziun dallas clamadas eis ei nunpusseivel da scolar duas branschas tier il medem scolast. Ils scrinaris drovan lur specialist, ils lennaris il lur. Vegnan las classas d'ina ni l'autra clamada memia pintgas, ei quella sparta sfurzada dad ir en in liug central. Las clamadas da tschep a Glion ein: scrinaris, miradurs, tschentaplattas, picturs, cusunzs e lavunzs chemics.

Tabella cun il diember e las branschas tenor regiuns, stan settember 1979, en parentesa settember 1978

region	scrinaris	miradurs	tschentapl. picturs		cusunzs	lav.chem.
Cadi	45 (40)	10 (10)	1 (2)	6 (6)	3 (3)	– (–)
Foppa e						
Rueun	17 (14)	8 (9)	1 (1)	6 (6)	– (–)	1 (1)
Lumenzia	19 (13)	4 (2)	1 (–)	1 (–)	– (–)	– (–)
total	81 (67)	22 (21)	3 (3)	13 (12)	3 (3)	1 (1)

Diember total 1979: 123 emprendists

diember total 1978: 107 emprendists

Quels emprendists vegnan scolai en 60 menaschis. Diember tenor regiun:

Cadi 28 menaschis
 Foppa/Rueun 19 menaschis
 Lumnezia 13 menaschis

(Cunt. suonda)